

澄城縣志卷二十六

藝文五

明直隸東光縣知縣路公墓志銘

路世龍

公世龍從伯兄也世龍且執經親旣摯誼更不薄世龍寡昧而微爲志銘奈何公革屬之而爲之也易簀時世龍役執燭公曰我之志若銘子爲之世龍起而謝之曰弟寡昧且微言不重惡乎志惡乎銘公曰吁子不聞貞惠文子之諡乎子之所辭者以寡昧且微余之所以屬子者政以其寡昧且微也寡昧取其無諛微取其不近勢子爲之無辭世龍稽首涕泣勉爲之領焉志奈何從世龍幼汜壯壯汜老之目之而記之者志公在襁中卽英邁比解語能識字好筆墨書籍知讀書

澄城縣志

卷二十六

藝文五

工聯對暗合韻舞象時早豎文壇旗鼓矣不弱冠入庠領童子冠軍督學使破格優禮此世龍幼時罔聞知蓋得之父母訓勉知之爾世龍略有知識公科試列一等第三食餼年二十三也嗣是累試首領行文聲振海內推爲宗工豫晉三秦又何待言後以仗義誑誤虛處十年略無酸鬱態比理昭事雪一出而舉歲貢崇正癸酉乃舉于鄉時世龍同公車某科會試其文房批甚盛宜前茅而落第公感憤擲硯就銓曹秩列知縣名最前授東光縣東光在滄瀛號撫瀕漕地雖曰饒而供應煩費民固難支官尤多累公概爲蠲除不事敲扑其民皆推爲樂只君子云此明末都肥時也而食肥者卽以肥求之公漠不爲念止以清苦自勵有責之者付之不聞公曰

嗟哉以若時而做若官可乎哉不做若官而趨若時可乎哉
公竟拂袖而歸里焉未抵家逆闖亂僭號繫公於獄偪之以
刑曰入餉若干授若官公毅然曰不做官再偪之曰不入餉
視此刃公毅然曰有頸在無已終無所入亦得脫焉曰忠信
涉波濤良然烏霍此公之文章政事也厥品若行奈何大端
爲志者前品行而次文章次政事世龍之前文章前政事而
後品行奈何曰世龍不知公之所謂品所謂行也第卽得之
父母之訓誨族庠之傳說里巷之評論以及世龍之眼見而
心知者志之已耳公長身闊額巨眼隆準鬚髯冉冉聲如金
石高睨闊步無趨趨行自用約而有體多飲酒不醉能賦詩
追唐善書筆法有鄂岳王意喜畫不襲派頭筆動神行僊僊

澄城縣志

卷二十六

藝文五

二

也讀書充笥不尋章摘句搦管筆底雲飛古邁之極卻歸輕
倩事父母極其孝著於鄉評待仲叔仲先天哭盡哀葬如禮
遺寡党氏邵陽舉人党炤之女早孀無子令長子一驊爲後
迄今党將登八十矣菽水薪水無缺累經旌揚獲以節著聞
公之德也待叔素封有遜讓絕無闕牆之隙世龍從弟也更
有多人待之如胞弟處戚友篤忠信不計利言不閤於喉間
笑則聞之戶外處鄉人無城府無侵剝有不如理者怒怒輒
解絕不吹毛索瘢嘗爲世龍輩教曰危事平行忙局緩解烏
霍言猶在耳教豈忘心讀書之隙有酒則同諸弟子飲無則
親山水暱花鳥而已拜門牆者多人成名者舉人管太音世
龍成秀才者本邑他邑難以屈指烏霍天耶乃不憚遺竟奪

之而去康熙元年正月初九日也革不憤成詩數篇作文三首不屬子其不以生死動心乃如此某年某月日葬於父別駕之墳之左公諱世美字繩烈號匱谷父諱從廣湖廣寶慶府通判行一里人有一佛之稱古文辭刊行於世畫入古今諸父五人從度廩例直隸宣城縣主簿世龍之父也從康太學生從廉從序從應俱諸生王父車字公御明嘉靖辛酉舉人任四川威州知州陞敘州府同知報雲南食事卒于官品行文政時人推焉祀名宦鄉賢烏霍葬不可無志志不可不實世龍之爲是志也文也乎哉實也銘曰公只我兄天隆大老德懋懋明人口口好隱隱厥封芊芊厥草振蟄子孫歲時頂禱休矣佳城萬年于保

澄城縣志

卷二十六

藝文五

三

修西河石橋序

何清

昔人令萍鄉野無惰農肆無游食橋梁修驛傳治更鼓分明遂足動天使之許可余不佞濫膺茲邑去河僅數里許河水僅尺寸波非若湍洄迅急驚巨浪之拍天也河舊有橋橋短窄車不得方軌馬不得列騁又非若卧波行空歎長虹之飄渺也若是何修治之有雖然吾聞之矣秋冬之交亟需橋橋遲數日則沍寒至早行者履霜矣余治行不希顏若顧公帑無儲胥而私橐竟羞澁欲橋之圯者理之其何道而可所賴同志共襄善緣或捐長腰捐陶胡奴之一斛半斛或輸輸焚效王酒胡之一敲再敲庶幾不日成之民未病涉雖非比功德於恒河亦似渡迷津於寶筏矣嘻禿奴半肩磨衲持鉢

叫呼世人多厭之請看今日宰官竟作募緣苾芻也不幾貽
開士之軒渠乎

何侯修學碑記

韓九有

甲辰秋今

上龍飛之三年何侯以輕篋敝車來治邑事稍暇集衿紳父
老問爲教之要所以施於今者何先俱各從容語曰政在力
行惟我侯爲所當爲則幸甚於是請荒賦撫流亡清獄訟勤
課試越二年復捐俸修學嗚乎幸矣學校王政之本也人才
之隆替視其學之廢興在三代可謂大治千載一時矣歷漢
唐而宋而明或過百年或七八十年始克興舉豈盛美之事
須遲久而後備歟我澂自兵興以來幾四十載管絃鐘鼓悄

澄城縣志

卷二十六

藝文五

四

矣予懷巍巍廟貌雜處於牛溲馬溲間雖遞有修葺然不過
因陋就簡僅可於歲時間拜奠而已我侯則毅然起而新之
旣妥以先聖之靈又周以堂廡之壯曾幾何時而名宦鄉賢
俱美焉奐焉洗盥奠酌之制且想像於載笑載言羽籥詩書
之誼忽振興於茂禾茂草所云禮在瞽宗書在上庠其庶幾
乎夫舉事於充給之時易於匱乏之時難於瘡痍未起流離
困頓之時尤難澂則包荒貽累誰務爲艱非哀澤之雁卽百
結之鷦非叫夜之猿卽暝風之鶴其在恆情未免不因循苟
且視一官如傳舍乃獨飲冰茹蔬捐其所有以告厥成何其
盛也茲欲記斯事於石來請序於予侯且以爲近名也而祛
之子思古之人非迫於不得已卽名有甚重而不取非因於

不可忘卽辭有甚華而不炫竊以爲侯之講學課業不以簿書之冗而輟之則其所甚重可思矣更老之禮蔚然復興絃誦之音煥然改作其因於不可忘又足念矣此我徵之士之所以欲書也異日者入於其學睹道德仁義之敏秀與夫和敬孝慈之藹惻陶冶於歌詠獻酬之間變化於雲龍風虎之會於以黼黻

皇猷輝煌禮樂頌

天子之太平而詠我侯之遺愛澄士端有賴諸侯名清字天一號恕庵粵西之桂林府臨桂縣人中丁酉省元維時董理則司業先生牟公奇猷佐襄則迪功郎王公運新縣尉朱公應■出納經營則祝史龐生含朴趙生之奇孔生師模白生

澄城縣志

卷二十六

藝文五

五

我錦張生爾琦監視則城總安壽概得並書康熙六年丁未

西川遊半記

雲中 郭傳芳 九芝

北徵自後魏分爲澄城以城爲故在三里澗左馮翊五泉之遺也澗帶城西因潔流成小川時人呼爲西河邑地多原阜深溝斷壑墜其下獨西河一無崩害遂兼諸泉之勝其源溶自甘泉之北邑之西北四十里水清而味美順谷而下不及徵三里爲隋公泉卽匱谷也文帝避暑更莊愛其石能匱水時引宮姓浴匱谷中澄南百餘步爲金沙谷澗旁湧小泉邑老云東晉高僧佛圖澄愛其清潔嘗爲開脇浴腸于今尙油油焉是謂洗腸泉也至洗腸泉而澗欲曲又折西里許生平石石方廣奠數百人平仰河基大榭稍下瀑布犇發聲洄勢

急岸尊而潭以卑疊行名爲急流居人屋■乘其上過此五里爲路氏莊藏振公淇園二賢士又數里則達維而南且東入黃河矣庚戌夏五月予來茲澄政知二路期訂交于兩谷之間三月邑政粗理予溯澗至匱夾岸蔬圃卑砌不成佳壑深談土人之貧下馬視隋浴匣周體生潤石壁題詠林立可辨者獨適庵老人詩而已反而至金沙視洗腸泉有汙油浮其上就岸登普濟寺一癯僧導巖洞下摩圖澄化像脇孔具言當日之故予聽之嘿然夫隋文帝王之業也佛圖僻異之行也匱谷騷詠所及半稱攜樽領娃之樂未有片廈覆其上金沙刹宇尊嚴使人入而生敬揣摩脇孔所由傳使人感而思善豈帝王若有所遜哉匱谷之可瀆在逸主金沙聿能金

澄城縣志

卷二十六 藝文五

六

其潔爾引馬渡澗焉沿流步廣石上因磴屋跳躑坐石旁觀瀑布落潭無競喚謂磴者曰潭幾何年曰不知也幾何深曰不知也曰不知何所居曰吾愛潭能受忍於其下甘便吾乘利於上也曰試言之曰夫潭之初與水交也均其如砥者爾激者不受而忍者受之受之而浮者縮施者歸刀劍牙搨坦承莫逆數年且數百年如是而潭成矣吾利潭之貽吾磴吾安知其深與久乎曰逾茲且何若曰五里之前有別莊所居者二高人也曰居之何曰倚岸而屋臨流而檻東西洞爲城門蔬圃橋梁藏其內澗水潺潺渡其下也曰事云何曰吾歲月恒不至其地至則一人對案理圖書一人憑几而誦讀或掀髯以仰天或茵地而對酒殊未見其所爲也曰車馬之來

往者幾何曰彼未肯與達者遊達者未得過其門也予聞之而喜曰是其兼葭莊也爾勿言吾自問二路踐兩谷也起呼馬見二僚友來石上予接之而意亂竟不成全川之遊康熙十年辛亥暮春

睢太守傳

華陰 王宏撰 無異

睢君任衡名時聘澄城人也中萬厯丙午鄉試宰延津多善政其最著者有蠲除荒地賦稅事厥利溥世世賴之而諸生李孟南貧不能娶君助之金使之有室又耿宗純者以病見黜君廉其實力白學憲復之乃是年宗純舉于鄉已而孟南復舉于鄉遂同第南宮延津人以爲君之惠民育才如是立祠祀春秋勿絕也調石臺恤節婦王月英之子身無依至衣

澄城縣志

卷二十六

藝文五

七

食不給而矢志益堅出俸金爲易地三十畝召其母氏使同居焉尋陞渾源守興水利鑿渠令高下受溉畝可一鍾故渾源人尤感君又立祠祀春秋勿絕也無何有鄖陽太守之命人方爲君喜謂得漸展其猷而君顧思退無復四方之志遂謁歸歸則以田園樂天命也蓋年已六十矣置義田以裕族立社學以訓子弟散金散粟以濟饑乏而自處泊如也里人德之爲勒石以傳斯亦所謂施于有政者乎君素坦率不假名以自好治已如不勝惠人如不及終始無間焉因撮其大者著之篇

陳侯展修學宮碑記

韓城 衛執蒲

古聖王養賢致治建學爲先殿廡以崇至聖示宗的也堂齋

以齊進止明檢約也祠祀以錄儒賢啟來學也門垣以肅宮
牆衛吾道也衙宇以宅博師端型範也然有興不能無廢者
乘除恆因乎時廢而使之復興者轉移則存乎人自非學道
有獲以愛養人材興起斯文爲己任者烏能振作鼓舞舉曠
典於久湮之餘乎澄邑九封學宮偏隘兼以近年來兵燹頻
仍倫堂傾於泥塗齋房化爲烏有過而睹者莫不爲之躊躇
而悽愴歲丙辰邑侯陳公兼視學篆囑諸生而告之曰學宮
本原地而荒殘湫隘若此非所以崇奉先師蔚起人文也盍
謀所以更新而闢廣之爰發養廉金若干主於上紳矜量輸
若干佐於下隨有義士禮民樂輸街基成於後筮日鳩工擇
士之公愼勤敏者鄭瑄党益楊可楠王習謙白珩董其役經

澄城縣志

卷二十六

藝文五

八

始於丙辰之季秋暨丁巳仲夏落成焉構倫堂五間臺基二
尺東西兩齋各三間前後櫺星門三丈許而高大其制開展
垣牆六十尺東偏學博宅一所門堂廚廡無不備舉向之荒
榛斷梗不數月而遂與更始堂皇屹如也丹雘煥如也廊廡
垣墉軒如也廓如也異日者多士鼓篋而來入其門牆則思
愼厥趨升其堂階則思遜厥業與其祠祀則思紹厥休瞻其
廟廡則思對越厥靈觀其博師則思景行厥範陳侯愛養人
材興起斯文之心庶幾其有慰哉不然徒期會升散課校文
藝句稽廩食俸覬科目以爲耀其職事恐邑侯鼓舞作人之
心不是謏屑也奚慰哉侯名石麟字及陵號三山江西崇仁
縣人辛丑科聯捷進士康熙十六年丁巳

陳邑侯開展學宮碑

路一麟

蓋學也者所以洪聖教廣化育之地也而人才無代置科目
有時興何哉地氣有舒有不舒也詩曰濬哲惟商長發其祥
言濬哲雖世出而發祥之永實由於幅員之長則育才之盛
豈不以地氣哉澄學宮氣促故科目間發識者有憂之近來
征輸繁興上下交困日不暇給而暇茲曠舉明倫堂傾於泥
塗齋房化爲烏有良可太息丙辰月臨川陳邑侯因視學
篆謁廟則東傾而西仄南縮而北下也慨然嘆曰雲路不闢
天衢何由而亨後如窟宅蹲踞安能遼廓奮飛前如統綱束
縛何以冠裳拜獻乎然則斯工也急急於軍興矣爰發養廉
百金主于上紳衿量輸若干佐于下隨有舊進士子王御天

澄城縣志

卷二十六

藝文五

九

舉人子路一麟監子王統天守備孫路都以及義民段華裘
樂輸街基成于後卽擇諳鍊諸生筮日鳩工自某月至某月
凡幾閱月臺基三尺明倫堂五間齋房六間櫺星門三間前
展垣墉六十尺東西展十尺東偏學博宅一所一時俱舉
皆撤去朽蠹而易之以新材者也夫陳侯戴星出入以勸農
桑呼吸風雨以應軍需而脂膏不以潤征耗鞭貫不煩嚴戍
守其焦勞於羣黎者旣如彼而載色載笑樂愷於頽芹者又
如此侯之電徹晶融以揭性道家喻戶曉以布倫紀而操觚
不以矜月露抗疏必欲泣鬼神其殫心於民質者又如彼而
如跂如矢啟翼於後學者又如此夫非深以學問之澤定于
聖賢之養者安能遇風霆而不變遇搶攘而不撓從容于仁

義之圃逍遙於禮樂之場有如是哉斯工也成將見冠裳拜
獻環橋門而觀聽遼廓奮飛振明廷之羽翼蘇湖士風之盛
於是乎在他日斌斌濟濟其無忘安定之門也哉是爲記侯
名石麟字及陵號西屏江西崇仁縣人辛丑科聯捷進士康
熙十六年丁巳

夏邑侯重修唐魏鄭公祠記

路一麟

魏鄭公名徵字元成謚文貞初封鉅鹿郡公爲有唐名臣第
一事詳新舊唐書夫人而知之不更舉也太宗賜田于上輔
馮翊郡之北徵其子孫世居焉起自徵者長子叔玉次叔琬
叔璘叔瑜二世孫克明封中書舍人三世扶以進士授超州
刺史五世孫蕃以進士授峽復鄜州累封至韓國公又封晉

澄城縣志

卷二十六

藝文五

十

國公十五世孫魏道嚴宋神宗累封兵部侍郎西臺御史十
六世孫彥直累封禮部侍郎二十世孫卞以武節將軍授峽
復鄜州兼授兵部郎中復宣授延安府安撫使今按魏氏自
克明而下六人出魏氏家譜至明宏治初縣丞魏鑑竊譜去
文貞華胄泯然無傳公之遺像初繪縣學門廡東壁宋宣和
癸卯知縣張綱始建祠于縣之西郊金承安二三年邑令艾
元老始遷之南郊立正堂三間肖公像及其五世孫魏蕃執
笏侍立于左元至正間縣令竇本重修至

國朝順治間又重修自是風雨飄飄歸然猶存者復傾圮不
支兵燹頻仍誰復一念及之康熙二十一年高密夏邑侯瞻
拜不忍卽思修復未幾有川蜀之亂供億煩費不給閱四年

蜀亂旣平遂克舉是役又念民喘息方定土木之費不堪借資于彼自出俸金若干命保戶宋國璽監修某月始工至某月工訖金碧丹雘渙然一新遂聽民之落成者咸舉社鼓樂太平焉定于正月十七日立一大會而魏公之神庶幾其安矣邑人曰左蘿石建石坊于韓城題曰樂天故里我侯請奉祀于澄城以表文貞家世我侯盛心烏可泯哉卽以修羽時掘出靜碑一統實記其事以見神之感通如此石之大小故不論也侯爲山東巨族大魁天下其德政文章造于瘠土名于士民者已詳見德政碑中不復詳序侯夏姓諱疇號青田登州府高密縣人中康熙丁未科第七名會魁現任加三級

魏氏族譜小引

路一麟

澄城縣志

卷二十六


藝文五

士

蓋聞有及人之德者類必有沒身之祀國典也至世遠年湮其源流遂有不可考者故樂卻亡子夷爲阜隸叔敖之後流於行乞今昔有同慨焉吾邑魏文貞公唐世名臣食采於此子孫冠裳數世不絕家於縣者魏仙橋縣南魏家斜其分派也瓜瓞緜緜香火累世自魏鑑竊譜而去宗支失序幸遇夏侯以名魁來宰吾徵新公之廟訪公之嗣未已也請于學臺爲供祀生者二員以光春秋大典甚盛舉也吾不禁欣然爲之序使公後有興者宗派瞭若指掌庶幾千百世而下咸得指而目之曰魏氏其有後乎一時助緣人例得并書爲書於石康熙二十一年壬戌九月

略譜管氏世系小記

路一麟

管家河在澄郃兩縣之間夾河而居耕河西地則爲澄城之
閩東里人耕河東地則爲郃陽之北良里人兩縣俱應差科
故兩縣皆有戶籍又距縣俱近人知禮法夙稱良善有淳古
風至明崇正間始以管太音起家太音表表人物穎異非常
少從先大人東光公遊但有指授無不劃然甫弱冠中崇正
六年癸酉科席增光榜第十四名亞魁卽與先大人爲同年
友名震一時莫不豔稱爲亢宗之傑未竟厥志而歿其先世
亦無譜可考其子  一日至澄城西北鄉小河西見村中
一碑上記唐貞觀時鎮殿將軍二千石管世強子恩賜中書
管真移居管家河二十七字事雖不詳語甚瞭然以是管家
河之源流其從來遠矣相傳太音列祖輩輩殷實好陰行善
澄城縣志

卷二十六

藝文五

十一

至其父位愈擴大前人基業以素封著聞敦重詩書教子孫
以文章此其立效也自是而後斌斌濟濟文武生充物兩縣
庠保世滋大爲一方望族其祚蔭繁昌又可涯量哉余以此
記其本源以見世系之不徵徐俟考稽以敘世譜不可以此
碑爲不詳而不記也康熙二十一年壬戌

明直隸河間府同知白公墓志銘

路一麟

公諱麒字瑞郊世居澄城長閩鎮始祖遠不可考高祖儒生
五子長諱鸞正德丙子舉人任河南府通判卽公之曾祖也
祖自東布政司執印父諱復禮生員贈奉直大夫直隸大名
府晉州知州前母路氏雲達之長女敘州府同知車之姊也
無所出母石氏白水縣貢生洪洞教諭蘊玉之女俱誥封宜

人公以天啟壬戌歲貢授直隸大名府駐劄懷安衛糧備通判有循聲加晉州知州銜遇覃恩誥授奉直大夫晉州知州陞河間府同知致仕家居不爲鄉人居間胞弟璽庠生無後有女三一爲擇配選貢賈藍玉一配周運轉一配武生權銓庶弟麟有子有孫俱與成立公元配某氏繼娶大同張鳴鶴女爲公死節載邑志丈夫子五人長曰甚朴生員娶廩生李爲樂女次曰素雅生員娶增生李采女三曰甚醇生員娶登州府經歷賈遂女四早世五曰甚質欽依湖廣鎮 等處都司娶庠生劉自豐女孫男八銘曰學則至醇仕則至仁克紹祖德榮逮恩綸子孫繩繩美備人倫生順歿甯鬱鬱松門

激水壺梯山說

路一麟

澄城縣志

卷二十六

藝文五

三

原夫天下譽山稱水鍾爲才傑才傑收天下譽山稱水吐爲菁英使中華來葉盡知其人盡知其地諛古者遯之振公氏首搖搖不少冑蓋武陵桃源重被漁郎踏碎宓妃玉女豈堪異世逢迎銘言碣勒蹈窠襲曰又何異抱左傳著臙顏恰逐鄭康成車後物也混沌氏於是以澄城一雷地壺梯一鐫土不令雕鏤兒鑿破以待溟漠君另較一文曜生天掃盡三十六洞天七十二福地蹊徑與夫十洲三島千岩萬壑之慾界仙都獨抱茲一邱一壑以顯而混沌氏郵傳明命遂以魏刀箕斧授振公氏以開創之柄振公氏遠巡謝不惠混沌氏手詔曰山無名將夷其山水無名將涸其水人無名將錮其人天下山皆託人以名而澄獨否女不恭命有如此山天下水

皆託人以名而澄獨否女不恭命有如此水振公氏拜命起
曰澂水源出甘泉委竟洛濟南北七十里而遙渺乎小矣禹
不能名契不能紀郭璞之所不錄張華之所不載雍大紀雖
云其泉可釀其足表異乎願受之旨混沌氏附耳售曰是不
難吾常見之矣倉頡家白水距澄城五十里近聖人之居若
此其甚也澂泉非與刀擗馬跑手扳躬拜者等其出百丈壑
底土中往往見蝸牛殼以其溝深微其歲永此蓋與倉氏子
同年而生者去聖人之世若此其未遠也以故造字時特書
曰澂不使天下聲得借諧焉不使天下水得借名焉洽比其
鄰吾曾笑聖人亦有私也後世嗜奇字者借澂以通澄秦漢
人遂不深考以其郡名而澄之縣名而徵之遂並與其澂名

澄城縣志

卷二十六 藝文五

古

而失其本真矣子銜之母洩吾言令中華來葉知有澂也將
謂子靈威丈人獨得林屋奇書者也至於山亦有說焉振公
氏曰姑勿言請嘗擬之山鐘伏而無紐舊名曰壺意者其壺
公一壺乎曰無謂也又名曰梯意者迤龍門邈襄陵其禹隨
刊時拾級而上者乎曰無據也然則目之曰丹邱而歸昌在
岐目之曰北邙而孤塚邈洛謂似釜山而未合有態之符謂
似蔣山而無鍾陵之奇奚其可混沌氏領之曰吾固知子不
能爲之地也卑躬未生以前有此劫灰一堆每行其旁觸狂
亂叫一夕得愕夢夢羣鬼曰吾屬是前此一元中萬億文伯
才鬼大洽氏爲其發洩大盡益覆於此其如有容則爲壺其
高可升則名梯不意近有倉氏子椎塊我輩盜取奇字不信

試看激之一字從何來耶余卽取激水一口喫之羣鬼走散
覺來再行山畔不復聞鬼哭聲至今萬億文伯才鬼安眠壺
梯之下亦徐聽溟漠君詔之生天復爲澄城才傑然而未有
期也但當世之榮溟漠已付澄之先士而表章山水之功今
獨責之於子子卽不必喫口也第傳余言於中華來葉則山
名矣水名矣子亦借是以名矣又何讓謝康樂伐山通道而
雁宕始傳歐陽永叔題豐樂而環滁始著哉雖然猶有慮焉
子窮源後必瀕流子問山後必捷徑騷人韻士提壺攜榼賦
詩勒銘蜂逐而蟻慕之激水壺梯自茲多事矣

路節婦党氏列傳

康乃心

節婦党氏關中郃陽人也世家城南莊頭村曾祖時元明歲

澄城縣志

卷二十六

藝文五

五

貢祖擢邑諸生父炤萬曆壬午舉人仕懷仁令以清節著節
婦生而端介通孝經論語工楷書及笄適澄城湖南別駕一
元路公從廣次子世榮未幾榮以疾不起時節婦年十九痛
哭不食以死自誓孀居凡七十二年年九十一以壽終其歿
也家人發遺笥止孝經列女傳數冊及其翁一元先生自任
所寄手蹟皆勉以守節事醇醇至不忍讀云節婦生萬曆甲
申卒康熙甲寅守義之年爲壬寅子女無一出康乃心曰余
邑蓋古有婺也聖母之故里在焉攷於詩稱大邦有子在洽
之陽在渭之涘及劉向諸書所載湯妃禹母皆有婺氏女故
自三代而降如漢之任季兒明之李生光被妻秦任朝宣妻
魏以及近代之史生記魯節婦雷趙臣兒妻節女王田光謙

妻秦何烈烈也豈聖母遺墟風化固殊耶路節婦之死余適在澄亟往弔之荒泚窮鄉棺停破甑中雪積成尺一燈明滅如縷哀動鄰里余徘徊瞻次者久之曰爲人當如是是亦女中之海忠介也然余聞忠介之歿吳人朱良佑哭以詩有蕭條棺外無餘物冷落靈前有菜羹之句至今爲人豔稱茲觀節婦之靈並菜羹亦無矣太史公有言人莫不有一死或重於泰山或輕於鴻毛節婦當孀居時年方少使或見義不明稍易弭轍安必其寥落荒涼至生無以爲生而死無以爲死也節婦年雖踰耄而婉雅嚴正余猶及見之蓋余妻路爲節婦從孫故知之頗悉云嗚呼難哉

唐魏鄭公祠碑

康乃心

澄城縣志

卷二十六

藝文五

六

今上御極之十七載邑侯山左夏公受命來令激驅車至止周視城垣得唐鄭國魏文貞公之祠於南門外展禮有加旣乃攷圖史按譜牒稽父老慨然嘆曰惟公賜邑於上輔北激子孫世家與丹書鍊券同誓河山而異代之後肅然一祠風雨鼠雀之不庇守令目爲故然無有過而問者非所以昭臣誼示來茲也將謀新之適川湖變起關西郡國正當其衝供役籌賦皇然其靡甯也迨辛酉歲干戈甫定民稍獲休乃申前約命日度工璧之石之丹之堊之費不擾里役不踰時經始於十月初旬閱明年正月望而落成焉激之人曰自公蒞事百爲具舉凡厥疾苦罔不搜剔興除衮衣章甫惠我無私此則其政在千載者也夫天下事有似緩而實急者表忠孝

訪節烈重文獻攷古蹟而已於戲吾家有莘之野距澄一水
每來是邦瞻拜祠前率徘徊之不能去間讀殘碑摩古字時
或縱飲激市誦出關遺詩感慨訶呼躊躇於寒煙斷草寂離
夕照之中蓋未嘗不太息如見其爲人也夫文貞以落拓之
餘遭逢聖主爲一代名臣犯顏極諫忌諱弗恤太宗不世英
明每至虛懷聽受貞觀之治遠比成康逮於斗米三錢幾致
刑措君臣相遇豈不謂極盛矣乎唯公之言曰五帝三王不
易民而治行帝道而帝行王道而王又曰願爲良臣無爲忠
臣則夫今日者瘡痍甫蘇鴻雁嗷嗷民生其日蹙矣苟得一
代哲人應時翊運朝十漸而夕十思於以匡弼左右天下其
猶有賴也若然則侯之爲是舉也懷古之深而行古之道也

澄城縣志

卷二十六

藝文五

七

思治之殷也尙友之義也太史公曰述往事思來者意在茲
矣耆老宋國璽路其良等與鄭公裔孫供祀生魏養體魏鑑
唐董其事祠成將謀鑿石以誌忽於祠側掘獲一碣磨洗完
好而未有字異哉如有待也遂再拜爲記而繫之以辭公諱
疇字青田山東高密人丁未進士以易世家康熙十七年任
戊午科詩經同考官加三級紀錄二次辭曰鳳龍潛乖真人
訣失鹿隋皇羣盜竊一去廣陵繁豔滅太原公子鎧如雪二
十四歲山河顛風雲奇士森羅列巍巍名世唐虞哲獨抱救
民幽憤切託迹黃冠志豈拙風塵困頓一何屑元遠歷事元
成嶼亦如敬仲檻車轍批鱗敢諫龍顏悅嶽嶽風姿嚴似鍊
獻陵之對義何烈偃武修文諫疏揭斗米三錢刑獄輟凌煙

圖畫昭臣節遺笏家聲直且潔北激上輔錫瓜瓞荒陵蔓草
遺祠蝶觀風至此羞形埒我侯海岱文章杰作賦金臺紫電
掣琳瑯長劍羣倫絕下車一眎中心結修葺儼同山喘噪馨
香黍稷走毫耄負笈擔簦媿薄劣感時懷古肝腸折遷擢願
公鳴佩珥君門咫尺作喉舌九州爲我訴窮瘼一如鄭公勤
諫說千年盛事金石列載筆泐銘書此碣

明僉都諫垣韓公傳記

王御天

關中左輔重泉地乃今之澄城也縣處北鄙紫荆山麓土脈
重厚人多質渾敦樸職農業不諳別務以故顯學通儒不少
概見間有一二農秀悅賢景聖驅子弟以親師友然非德純
積厚天授瓌琦則亦未易有獲所以有明制科取士自許戶

澄城縣志

卷二十六

藝文五

七

曹諱英獨步南宮而後百四十餘年始得給諫韓公由萬曆
丙辰科以成進士所稱一代名臣者也公諱一良字象儒別
號有懷澄之西觀里人先世祭酒永元末自相州遷居洪洞
厥孫文爲故明大司農抗疏劾宦官劉瑾謚忠定公其後裔
考卜于澄宅之鐵廉之陰至公高祖泰以素封濟活萬命德
積乃祖春陽始知好學寶愛文士恆飭封翁逢以一經課公
公生而質訥寡笑語讀書心辯口誦不尙記誦惟靜悟體會
則其爲文峭拔雋永超脫不羣弱冠方就童子試大爲邑令
劉小石見賞特評以大受器越四載果登萬曆癸卯賢書澹
靜恬退絕無竿牘請託拖青十年無異寒素比丁父艱盡哀
盡禮苦塊泣慕虞禫弗渝取號有懷卽凡歲時伏臘齋沐思

成不但以忌辰爲終身喪也夫至孝如公然且不敢以孝名
況仕進一途昔賢猶未能信公自丙辰登第遲之已未乃成
進士又二年辛酉始就陳畱令揆所懷來殆猶有不敢自信
者至若執政以後課農桑興學校清利弊察賢奸屬在循吏
罔不盡職獨是魏璫擅權促造逆祠工用匠作百不一應唯
於商元聖舊址大爲創修與之營祭田搜蔭嗣以承祀事爾
乃政閒務簡時乘款段躬省阡陌情農有罰罰以菅根荒田
悉成沃壤至於自奉俸薪之外一切贖鍰餽贈概行蠲卻妻
孥機杼署無虛日從古廉吏未之前聞爲政七年薦剡五十
餘章未曾有咫尺修候昔人所畏難不爲而公毅然敢於爲
之其自信爲何如也以此孤介清操處當今之世局似難筮

羽清華何意政成奏最竟以資深截畱擢戶部給事中執要
諫垣得以封事直奏首言微臣以天下自信卽矢以天事君
等事其貼黃有云臣初入班行不敢以套辭瀆奏又不敢驟
有指陳謹先述出身履歷並作縣心跡仰祈上鑒然後敢盡
言無隱是以再疏始備舉中外大小諸臣受錢行賄之弊滿
盤託出迨平臺召對宣讀所奏至據臣兩月內辭卻書帕計
五百餘金以臣絕無交際之人而有此餘可知矣且云科道
人號抹布解曰只要他人淨不管自己污云云帝嘉納之卽
命破格超擢吏部推僉都御史一時在位官寮人人股栗相
與滂訛謀譖必急去而後愉快者無何吏部尙書王永光御
前執請指名參奏蠱惑帝心公再三以風聞回奏仍列爲四

款剗切伏陳無如終不信悟也雖遵旨略舉一二貪官巧宦以例其餘奈賂位固寵互爲唇齒牢不可破如公所奏止曰該部飭行而已臣未見其有改而且禍中於臣者早已見及於此公乃仰天浩嘆曰天下事不可爲矣于是掛冠策蹇而歸卜築西溪鑿穴以居名遯窟杜門掃跡琴書自娛時臨流觀化澤畔行吟亦或棲遲午西野寺譚禪永日清貧拙守終身不易其操年六十卒于家棺衾無殮戚友賻襚以葬明末舉鄉賢從祀孔庭長子繼武邑廩生崇正乙亥流寇陷城殉于難亦從祀忠烈祠

徵君路振公墓志

王御天

人生飛籜耳曷言乎不朽也董薜蟬蛻不終久而告隕昔人

澄城縣志

卷二十六

藝文五

三

觀物察變譬諸秉電畫水良可悟也顧乃繆言辟穀訪長生訣吁是必指斗極而返魂望泰山而追氣也斯可不然彭顏尚鶻修短孰析千百年第當作冥漠君觀所以哲人飭躬務圖基德德立而名成焉其生也有贊有頌以榮其生歿而爲謫爲志爲哀辭以美其終貞珉能言泐蹟不朽斯洵不朽也已余也北麓窶人潛形蕭戶冗才蝟碎智謝懷蛟猥乏筆花妥辯鳧毛矧復年淪悲谷解腕韜詞久矣維特授宣議郎振公路徵君誼忝葭莩情蘊臭蘭枯腸涸贈受閏實多嗚呼有美已矣傷往垂裕時須彰徹竊念公九德不訾百行無虧靜退侔正叔英博捋子荆富鄴中之緹帙秘膠東之密帷毫含郭璞之鸞辭吐羅含之鳳尺牘榮諭荆山御天敬識議郎口

爾洪徽筆爾茂實我不敢知曰摛文摹古一無媿色庶幾跡
事洪宣推揚芳軌則其抑抑之儀妮妮之度儻乎心目間洵
有銘無能名誌不盡志僅爾痛惜曷當已已者又惡慚其言
之蕪且髦也嗚呼

重修文昌奎星樓碑記銘

王御天

明洪武初始曾王父至自楊侯卜居王官之路井里其勤於
農曾未冀倖夫文子文孫而詒爲形勝之謀也歷五世而宗
王父諱公肇釋菜策名泮林則農而士矣繇是文明漸起厥
后克昌書升之秀凡三十餘而且昆仲叔伯互以素封推許
猗歟其積厚而光流與獨異靈泉三峰晉卿諸王父咸不世
英髦戾于短折雖間有一二鶚峙澤宮終難造羽天池堪輿

澄城縣志

卷二十六

藝文五

三

家言村龍從紫荆山迤邐而南爲中出正落其分左護入莛
卑弱所謂文星低暗顏回早夭職是故爾會北山王父外子
莘國大參公羅岡范王姑丈相其陰陽分金定向足畫成趾
屬補星峰於是先王父暨敕我王父遂倡建厥洞以植其基
又遲之十年振鐸旋里至崇正戊辰歲乃以賓王宗叔賜第
金輪作崇閣祀文昌亦復大啟層樓以象斗魁或謂之奎宿
蓋因援神契奎畫主文章而言然考天文志奎十六星主殺
萬物斗魁戴筐六星爲文昌主籍天府則是文昌本天星故
取象於斗魁而梓潼帝君若張仲孝友及一十七世皆化身
也時固峻宇巋然而塗墮甫竣甲乙聯第者三副賢書者又
三嗚乎形勝之說亦未可少也奈四十年來室毀瓦反銅駝

會在荆棘而況涸翅之鄉星移物換則登斯樓也幸不爲兵
燹劫灰足矣又安保無風雨之傾敝耶以故宗人士聚族而
謀贏麥百斛庀材于涓篔更亂而維新焉不半年間文峰干
霄飛輦麗日接踵前徽端在來昆矣猶志所爲釀麥而圖始
者則族祖台衡均衡銓衡阿衡也會計而經營者則族叔定
寰纘勲前也鳩工動衆勤渠而落成者則族叔廷璧芳族弟
鉞承天也後世子若孫果乘氣而復興與慎無忘前人修葺
之艱難劬勞是囑云爾銘曰危樓嚙嶮破雲端龍首昂然復
改觀簷甍停午且峭寒差若筆星殘虛安靈光呈秀育玉蘭
綠窗世與秉文竿案頭書螢未須乾續古之人更無難康熙
二十二年癸亥

澄城縣志

卷二十六

藝文五

三

寺前鎮永革畜稅巡夫碑記

睦廓基

古稱牧伯邑宰最爲親民士當讀書自命莫不期功被生民
名勒金石一旦

聖天子簡拔之俾握符出治凡厥欲與聚惡勿施者疇無間
心乃民之仰澤者謂興一利不若除一害以利之所施難溥
不若害之所患切膚也我鎮歲凡收會每徵畜稅舊多掇派
巡夫致礙生理甚或搜巡無獲累民賠稅苦不堪言先是郡
守徐公初任澄邑詢民疾苦志在革除嗣因未幾去任事遂
不果幸軍糧廳邵公來署篆一切不便民者務爲清剔業於
巡夫蠲免於是衢壤安業肆市無擾矣第愚民何知恐時事
不一典除遞易因欲勒石以垂不刊遂赴府請命蒙批到縣

著永爲禁革維邵公民瘼在宥慨許永革亦以爲非刻石無以誌不刊也諄諄諭勉不一而足蓋數十年之害一旦剷去民之蘇困食德豈有旣哉勤恤民隱以消政蠹徐公有焉釐剔積弊以濟民窮邵公有焉信乎莫爲之前雖美弗傳莫爲之後雖盛弗彰於是嘆二公之果相與以有成也而我鎮人亦藉以爲可垂諸永久云康熙五十八年四月吉日

先考邾野府君行述

白 濬

先君姓白氏諱三翰初字夢奇又字際六號邾野別號守拙居士四齡過繼于先王父少卽穎異王父鍾愛甚謂亢吾宗者此子延師取友無刻刻稍間先世山右洪洞人避居澄之長閨鎮宗族繁衍不徧悉本支祖諱仲表表生文魁嘉靖乙

澄城縣志

卷二十六

藝文五

三

酉科舉人任河南偃師縣知縣先王父高祖也魁生全全生臨溪公騶騶生二子長諱月廷次太學生諱日新廷卽先君大父生王父雁行四人長諱含章次諱含彩次諱含美王父行四諱含文字在中俠賜等雪高義摩雲人推鄉祭酒妣賈氏太平縣縣丞藍玉公妹舉女一繼魚氏鄉進士應時公孫女廩生一鳴公女相大父以行誼勉先君以義方不孝等鄰讎失恃撫養成立皆先祖母宵旦拮据以護三雛也舉男一諱四德娶賈氏卽藍玉公胞姪女年十八早世府君以不孝滋承祧甲子冬先大父歿而先叔先嬸之亡卽在期內一門之慘凜于冰雹族衆窺伺日夜覓隙株連訟庭幾于三載嗚呼慈幃寂寞子舍蕭瑟躑躅相擁而泣于廬無日無之天平

曷毒荼若此極耶先君量最宏濶怨過卽釋凡角牙小忿不
介意在宗戚間善明急拯難堂伯諱三省不能完娶先君爲
納采幣致合卺且令同炊堂伯諱三德夫婦亡不能葬先君
慨然殯焉凡里黨昏喪大務有不給者每力助雖縮七箸從
之不計焉嘗語不孝等曰予生平待宗戚無他長惟有喫虧
二字丙寅徙居勸母辛未歲荒先君買田頃畝創別業壬申
先母雷歿續繼母周當是時先君惟力田養母讀書課子一
毫外務不談而四方之問奇者日益衆鍵戶吟咏學者奉爲
社長定期課業足跡不履城市偶步趨于故園輒鬱鬱愴愴
搥膺拍指北望大父墳墓戟手呼天而已嗟嗟念先人睽睽
不忘之意固結于心家園搖落皆含涕孽子傷心飲泣之區

也府君性最明敏貌極魁岸年十七補邑弟子員越歲卽食
餼試輒冠軍名藉藉諸生問巨公咸器重之望以騰騫先王
父冀上達心切復延師龍門衛孝廉專治麟經歷四春秋爲
文疏越如清廟朱紘取于大雅不趨欹斜晦問壬午獲春秋
元墨登歷科回風越三載不孝濬滋聯鑣遊泮府君半生苦
衷至此稍有可安府君善守拙奪魁後杜門謝客愈慎廉隅
邑大夫之庭非公不至四壁蕭索處之晏如歲庚寅先大母
魚氏歿繼母周暨四弟續生相疊從亡嗚呼王父卒先叔先
孀參聯而逝至是復履三變天平曷遭際若是慘耶府君遇
王母憂哀毀幾至滅性囊橐不名一錢典鬻物產一一遵禮
蓋忠孝兩念未嘗一刻去諸懷每讀出師陳情等表與至性

諸文法然淚下徙倚不能已往往吞聲而悲咽也府君一生
喜結納交遊雖廣而取友必端兩陝臭蘭不勝指屈他如湖
南簡霞山江左徐箇臣宛涇王公錫楚中王心空山右楊承
九西蜀周霖傳中州白昌言輩皆名公巨闕文章斗山府君
至性篤誼諸公咸以肝膈與共而古道相照千里墨卿縷縷
往還一時名士悉景慕不置云府君生平鮮他嗜好素愛楮
墨書畫初年作小楷得繹堂筆法索者填門向後行草稜稜
散散有米襄陽風晚年目力不耐凡有應酬悉令不孝代書
雖不善畫不孝嘗髣摹諸家府君指綴罔不中綮居嘗好讀
老泉孟子暨三傳與近代讎語所著有應世錄茹苦記年來
臘日高食指漸繁亦不甚經理盤桓別墅日與二三老友坐

澄城縣志

卷二十六

藝文五

五

臥箕箒之下烹茗彈碁話桑麻聽樵訶含飴戲孫僕僕黃塵
長安市頭語從不齒及不孝等每謂家雖貧日侍老親麥飯
膝下承歡得稍報烏鳥之恩勤則不孝之罪或可稍釋于萬
一嗚呼言猶在耳音容已邈先君雖絕意宦海而書債未楚
九赴秋闈六上公車今年春未半途而邁病歸而寢牀榻者
七越月竟賁志以歿嗚呼痛哉二十年前壯志烟高有傲睨
千古俯視一切之概以秃筆健觚試珠璣于金臺市駿之地
乃中道而沮回憶生平恍焉如夢蹇儻坎壈之遭盡付之劫
灰每一念至五內俱崩天乎曷報施若是爽耶先君生于順
治十五年戊戌十二月十二日辰時終于康熙六十年辛丑
閏六月十九日戌時享壽六十有四元配先妣雷處士諱天

祐公女先先君三十年卒享年三十續配繼母周生員諱克
昌公女先先君十一年卒享年三十有二續又配繼母路處
士諱成秀公女子四長卽不孝濬邑廩膳生娶雷氏謙公女
繼娶孫氏培宗女次滋邑庠生出繼先叔娶趙氏平涼縣教
諭諱鴻儒公孫女次淳逢學使特給衣頂娶雷氏卽先妣雷
胞姪女俱先妣雷出次續生十歲殤女一俱周出孫男六孫
女五嗚呼先君孝友不愧行誼昭然荒迷昏憤不能殫述撮
其艱辛備嘗之苦跼請立言君子闡發幽光令先君熱血赤
心得表表泉壤感且不朽